

PERKASA PERWIRA

LTAT beri pulangan 12.5% bagi tahun 2017

SUMBANGAN warga Angkatan Tentera Malaysia (ATM) dalam memperjuangkan kemerdekaan negara semanganya sangat penting dan tidak kurang pentingnya perjuangan memelihara keamanan dan mempertahankan kemerdekaan.


Sehubungan itu, kebijakan warga ATM selayaknya diberi keutamaan agar benteng pertahanan negara terus utuh dan antara entiti yang memainkan peranan penting dalam memastikan kebijakan anggota dan veteran ATM ialah Lembaga Tabung Angkatan Tentera (LTAT).

Sejak ditubuhkan 45 tahun lalu, LTAT telah merekodkan pulangan dividen dan bonus yang terbaik pada kadar purata 11.3 peratus setiap tahun.

Tahun lalu, LTAT mencatatkan pendapatan bersih sebanyak RM667.1 juta bagi tahun kewangan berakhir 31 Disember 2017, merupakan kenaikan 12.1 peratus berbanding tahun lepas yang berjumlah RM595 juta.

Selaras dengan pendapatan yang lebih baik, LTAT mengumumkan peningkatan dividen bagi tahun ini iaitu jumlah dividen dan bonus pada kadar 12.5

DIVIDEN & BONUS KHAS



TAHUN BERAKHIR 31 DISEMBER


Jumlah keseluruhan (%)
Bonus Khas Dalam Bentuk Unit Amanah Saham
Dividen Yang Dikreditkan Dalam Akaun Pencarum

12.5% dividen dan bonus khas

Adalah lebih tinggi daripada kadar purata dividen dan bonus **11.3%** setiap tahun sejak penubuhan LTAT

PRESTASI KEWANGAN LTAT

JUMLAH ASET TAHUN BERAKHIR 31 DISEMBER



peratus.

Jumlah itu terdiri daripada 6 peratus dividen dan 6.5 peratus bonus khas dalam bentuk unit amanah untuk ahli yang aktif sehingga 31 Disember 2017.

Dividen pada tahun ini adalah 12.5 peratus lebih tinggi daripada purata dividen tahunan dan bonus tahunan yang dibayar sejak penubuhan LTAT 45 tahun yang lalu pada kadar 11.3 peratus setahun.

Menteri Pertahanan, Datuk Seri Hishammuddin Tun Hussein

berkata, beliau berpuas hati dengan kejayaan dicapai Kumpulan LTAT dan seterusnya mampu melimpahi kejayaan itu kepada seluruh warga ATM.

Menurut LTAT, jumlah aset LTAT menyaksikan kenaikan sebanyak 4.2 peratus berjumlah RM10 bilion berbanding RM9.6 bilion bagi tahun sebelumnya. Sumbangan ahli juga meningkat kepada RM8.8 bilion berbanding RM8.6 bilion yang dicatatkan pada tahun kewangan 2016.

Keperluan ATM keutamaan LTAT

BERPANDUKAN komitmennya terhadap anggota Angkatan Tentera Malaysia (ATM), anak syarikat milik penuh Lembaga Tabung Angkatan Tentera (LTAT), Perbadanan Perwira Harta Malaysia (PPHM) selaku kontraktor utama Pangkalan Udara (PU) Sendayan telah selesai membangunkan pangkalan tersebut yang juga merupakan salah sebuah pangkalan Tentera Udara Diraja Malaysia (TUDM) yang terbesar.

Terletak kira-kira 12 kilometer dari Seremban, PU Sendayan merangkumi kawasan seluas 303.5 hektar dan menempatkan fasiliti ketenteraan terkini di samping 693 unit kediaman lengkap yang mampu menempatkan lebih 2,500 anggota dan keluarga serta dilengkapi kemudahan kompleks sukan, ekuestrian, kolam renang dan pusat Islam.

Dengan kepakaran LTAT, PPHM dan kerjasama Kementerian Pertahanan, LTAT berjaya menguruskan persediaan, pemindahan dan pembangunan PU Sendayan dengan lancar.

Dirasmikan oleh Perdana Menteri YAB Datuk Seri Najib Tun Razak pada 16 Mac lepas, PU Sendayan mencerminkan janji Kera-

jaan untuk menyediakan fasiliti terbaik untuk ahli ATM.

YAB Datuk Seri Najib berkata, pembinaan PU Sendayan membawa pembangunan dan transformasi dalam tiga aspek, iaitu:

1 Membawa pembangunan menyeluruh kepada kawasan Sendayan, dari kawasan Felda penuh dengan ladang kelapa sawit menjadi bandar satelit kepada Kuala Lumpur dan Lembah Klang.

2 Transformasi kepada TUDM - bukti kerajaan menghargai jasa dan pengorbanan anggota tentera.

3 Transformasi PU Kuala Lumpur di Sungai Besi menjadi Bandar Malaysia, sebuah projek ikonik.

YAB Datuk Seri Najib berkata, pihak pembangkang pernah menyebarkan cerita palsu kononnya anggota TUDM akan dihalau dari kem PU Kuala Lumpur di Sungai Besi tetapi hakikatnya, mereka dipindahkan kepada beberapa kem, termasuk PU Sendayan yang baru dan lebih canggih serta selesai.



PERDANA Menteri, Datuk Seri Najib Tun Razak diringi Menteri Pertahanan, **Datuk Seri Hishammuddin Tun Hussein** (dua dari kiri); Menteri Besar Negeri Sembilan, **Datuk Seri Mohamad Hasan** (tiga dari kiri); Panglima Angkatan Tentera, **Jeneral Tan Sri Raja Mohamed Affandi Raja Mohamed Noor** (kiri) dan Panglima Tentera Udara, **Jeneral Tan Sri Affendi Buang** (kanan) dalam majlis Perasmian Pangkalan Udara Sendayan di Sendayan, Negeri Sembilan, baru-baru ini.




PANGKALAN Udara Sendayan dilengkapi dengan kemudahan latihan dan kemudahan asas yang canggih, moden dan selesai.



Barisan Nasional akan terus merencana untuk membawa lebih banyak lagi perubahan dan transformasi kepada semua, sama ada anggota tentera, penjawat awam, mahupun rakyat biasa, tiada sesiapa pun akan ketinggalan!

DATUK SERI NAJIB TUN RAZAK Perdana Menteri



Secara purata, kadar yang diisytiharkan kali ini lebih tinggi berbanding purata kadar dividen dan bonus semenjak LTAT ditubuhkan iaitu sebanyak 11.3 peratus."

DATUK SERI HISHAMMUDDIN TUN HUSSEIN Menteri Pertahanan

Dividen LTAT: Warga ATM terima durian runtuh

PENGUMUMAN dividen dan bonus oleh Lembaga Tabung Angkatan Tentera (LTAT) pada kadar 12.5 peratus untuk 2017 sebagai bukti kerajaan sememangnya komited dalam membela nasib warga Angkatan Tentera Malaysia (ATM) dan bukan sekadar cakap kosong.

Rata-rata anggota ATM yang ditemui melahirkan kesyukuran dengan pengumuman tersebut yang disifatkan sebagai durian runtuh.

Korporal Gurdeesh Singh berkata, pengumuman itu dianggapnya sebagai dorongan moral buat warga ATM.

"Saya memang berterima kasih dan bersyukur. Mungkin ada orang yang kata kerajaan cuma cakap kosong saja tapi



GURDEESH SINGH



AZLAN ARSHAD



MOHD. KHAIRUL CHE AZIZ



MISNAH UPE LAUMMA

hari ini saya ada bawakan bukti (sambil menunjukkan penyata caruman LTAT).

"Nanti setelah bersara, inilah (caruman) yang kami harapkan. Saya baru 10 tahun mencarum

tetapi jumlah kutipan boleh dikatakan agak banyak. Saya percaya, sejak mula bekerja sehingga selepas bersara pun, kebajikan warga ATM pasti terjaga," katanya.

Pada 22 Mac lalu, Menteri Pertahanan, Datuk Seri Hishammuddin Tun Hussein mengemukakan yang LTAT akan mengkreditkan dividen dan bonus tersebut ke dalam akaun pen-

carum mulai 23 Mac.

Kadar yang diisytiharkan itu adalah lebih tinggi berbanding purata kadar dividen dan bonus sejak LTAT ditubuhkan pada 1972 iaitu sebanyak 11.3 peratus.

Mengulas khabar-khabar kurang enak bawaha pemberian itu hanyalah gula-gula sempena Pilihan Raya Umum Ke-14 (PRU-14), Sarjan Udara Azlan Arshad menafikan dakwaan tidak berasas tersebut.

"Biasalah tu, sesetengah orang akan bangkang apa sahaja walaupun perkara-perkara yang baik. Yang penting warga ATM seronok dan bangga dengan pengumuman ini, dan semoga pada tahun-tahun akan datang juga kita akan dapat menikmati dividen dan bonus seperti ini atau lebih tinggi

lagi," katanya.

Bagi Bintang Muda Mohd. Khairul Che Aziz pula, dia menganggap berita itu sebagai dorongan kepada seluruh warga ATM untuk bekerja dengan lebih gigih lagi.

"Ada kakitangan awam LTAT sendiri pun berminat hendak carum di bawah LTAT, tetapi LTAT hanya khusus untuk pegawai dan anggota tentera sahaja. Saya rasa bertuah berada sebagai anggota tentera," katanya.

Korporal Misnah Upe Laumma pula mengucapkan terima kasih kepada pucuk pimpinan kerajaan yang tidak pernah lupa membela kebajikan warga ATM. "Saya tak pernah terfikir dapat menikmati dividen setinggi ini. Bagi saya, anggap berita ini ibarat durian runtuh," katanya.



Skim Biasiswa Yayasan LTAT dorong kecemerlangan pelajaran

Oleh **BADRUL HAFIZAN MAT ISA**

HASRAT mahu meringankan beban keluarga telah menjadi pendorong kepada Siti Rabiatul 'Adawiyah Rozi, 17 untuk mengekalkan konsistensi pelajarannya sekali gus berpeluang untuk terus menerima biasiswa daripada Pihak Yayasan Lembaga Tabung Angkatan Tentera (LTAT).

Menurut pelajar Sekolah Menengah Kebangsaan (SMK) Taman Setiawangsa, di sini itu, biasiswa Yayasan LTAT yang diterima sejak dari tingkatan satu banyak digunakannya untuk tujuan membeli buku ulangkaji tambahan serta alat tulis.

"Ayah memberi nasihat supaya kekalkan kecemerlangan dalam pelajaran supaya dapat memohon biasiswa daripada Yayasan LTAT.

"Alhamdulillah, keputusan memberangsangkan sewaktu Ujian Pencapaian Sekolah Rendah (UPSR) dapat saya teruskan sewaktu peperiksaan Pentaksiran Tingkatan 3 (PT3). Keputusan itu membolehkan saya untuk kekal memper-

oleh bantuan biasiswa Yayasan LTAT sehingga kini," katanya ketika ditemui baru-baru ini.

Sementara itu, menurut bapanya, Rozi Zakaria yang merupakan pesara ATM, Skim Biasiswa Yayasan LTAT sedikit sebanyak telah membantu dalam meringankan beban keluarganya.

"Sebaik sahaja mengetahui LTAT ada menawarkan skim biasiswa, saya terus memohon lebih-lebih lagi keputusan UPSR Siti Rabiatul 'Adawiyah pada masa itu melepasi syarat yang diperlukan. Alhamdulillah, biasiswa tersebut masih lagi diterima anak saya sehingga kini," katanya.

Sementara itu, seorang lagi penerima, Muhammad Anas Mohd. Jefrie, 19, pula berkata, dia ternyata bersyukur dan gembira kerana pelajarannya selama ini banyak



SITI RABIATUL 'ADAWIYAH



MUHAMMAD ANAS

dibantu menerusi Skim Biasiswa Yayasan LTAT.

"Sewaktu mula mendapat biasiswa ini saya hanya simpan sahaja dahulu dan mula menggunakannya apabila benar-benar memerlukan, termasuk untuk membeli buku rujukan tambahan.

"Rasa sangat bertuah kerana bukan semua pelajar berpeluang menerima biasiswa ini. Lebih manis hasil bantuan tersebut telah membawa saya melanjutkan pengajian sehingga ke universiti," katanya yang kini menyambung pelajaran dalam bidang Diploma Kewangan di Universiti Sultan Zainal Abidin (UniSZA), Kuala Terengganu.

Bapanya, Mohd. Jefrie Adnan, 48 pula berkata, dia sentiasa menggalakan anak-anaknya termasuk Muhammad Anas untuk terus menumpukan perhatian kepada pelajaran.

Skim Biasiswa Yayasan LTAT



- Bantuan kewangan untuk anak-anak anggota ATM dan veteran.
- Perlu dapat keputusan cemerlang dalam peperiksaan utama.
- Mendapat tempat di IPTA.
- Pemohon perlu hantar Laporan Akademik setiap akhir tahun.



KELUARGA Rozi Zakaria bersama anaknya Siti Rabiatul 'Adawiyah.



KELUARGA Mohd. Jefrie Adnan anaknya Muhammad Anas.

Pelajar IPTA tidak ketinggalan dapat manfaat

Oleh **ZUHAYATI YAZID**

KEBAJIKAN veteran Angkatan Tentera Malaysia (ATM) tidak pernah diabaikan malah anak-anak kepada golongan berkenaan turut diberikan perhatian dan terbukti apabila Yayasan Lembaga Tabung Angkatan Tentera (LTAT) menerusi kerjasama pintar dengan Universiti Islam Antarabangsa Malaysia (UIAM) membina sebuah asrama bagi kemudahan mahasiswa universiti berkenaan.

Malah, pembinaan asrama berkenaan yang menelan kos keseluruhan bernilai RM5 juta dan siap sepenuhnya pada 2015 lalu kini dijadikan 'modal' utama menerusi sewaan bangunan asrama untuk menjana pendapatan berterusan kepada Tabung Derma Siswa Antarabangsa LTAT bagi membantu membiayai pengajian anak-anak veteran tentera yang melanjutkan pengajian di UIAM.

Menurut pegawai LTAT, bangunan asrama berkenaan kini disewa IUM Lower Education Sdn. Bhd. dengan kadar RM350,000 setahun dan daripada jumlah tersebut, RM300,000 diperuntukkan khas untuk Yayasan LTAT-IUM UMMATIC Scholarship yang dijadikan modal pusingan untuk membiayai biasiswa kepada anak-anak veteran tentera yang cemerlang dalam pengajian, manakala RM50,000 lagi digunakan untuk tujuan pengurusan asrama berkenaan.

"Ini merupakan tahun kedua Yayasan LTAT menaja pelajar cemerlang terdiri daripada anak-anak anggota ATM dan veteran dengan tujuan mengurangkan beban perbelanjaan dengan menanggung keseluruhan pengajian anak-anak anggota ATM dan mereka yang mempunyai keputusan cemerlang di menara gading itu.

Setiap bulan saya menerima bantuan perbelanjaan sebanyak RM450 dan RM150 untuk kegunaan membeli buku dan peralatan pengajian."

MOHD ISMAIL DZULKARNAIN
Penerima biasiswa

"Kesemua mereka yang terpilih adalah pelajar cemerlang dan memperoleh keputusan purata nilai gred kumulatif (CGPA) 3.0 ke atas pada setiap semester serta berjaya menduduki temuduga yang dijalankan oleh pihak UIAM," katanya dalam wawancara khas bersama penerima biasiswa Yayasan LTAT-IUM UMMATIC Scholarship di kampus UIA Gombak, dekat sini baru-baru ini.

Buat masa ini seramai 18 mahasiswa yang terpilih menerima biasiswa sepenuhnya daripada Yayasan LTAT-IUM UMMATIC Scholarship daripada 200 permohonan.

Sementara itu, seorang penerima biasiswa, Mohd Ismail Dzulkarnain, 22, berkata dia sangat bersyukur selepas terpilih untuk menerima biasiswa daripada Yayasan LTAT.

Pelajar tahun dua jurusan Sarjana Muda Al-Quran dan Sunnah di Kulliyah Ilmu Wahyu dan Sains Kemanusiaan itu berkata, selepas mengetahui namanya terpilih dia terus menghubungi kedua orang tuanya untuk berkongsi berita gembira itu yang juga merupakan bekas anggota tentera yang pernah berkhidmat di Kem Terendak, Melaka.

Akui Mohd. Ismail, dia terpak-



PELAJAR Universiti Islam Antarabangsa Malaysia (UIAM) Mohd. Ismail Dzulkarnain dan Siti Nur Rifhan Mohd. Nawawi yang mendapat tajaan oleh Yayasan LTAT.

sa mengagihkan wang biasiswa yang diterima buat pertama kali itu supaya tidak tersalah guna dan membuat perancangan supaya duit berkenaan dapat digunakan sebaik mungkin.

"Setiap bulan saya menerima bantuan perbelanjaan sebanyak RM450 dan RM150 untuk kegunaan membeli buku dan peralatan pengajian selain yuran pengajian," ujarnya pelajar cemerlang yang berjaya mengekalkan keputusan CGPA 3.7 setiap semester.

Anak keempat daripada lima beradik itu juga turut bertekad untuk mengekalkan keputusan CGPA melebihi 3.0 pada setiap semester sebagai syarat utama pemegang biasiswa.

Manakala bagi mahasiswi Sarjana Muda Psikologi, Siti Nur Rifhan Mohd. Nawawi, 23, dia tidak menduga doa ingin meringankan beban orang tua yang hanya menjadi penoreh getah sebagai punca pendapatan utama selepas pencen daripada

anggota Tentera Laut Diraja Malaysia (TLDM) termakbul apabila terpilih menerima biasiswa Yayasan LTAT setahun lalu.

"Tahun pertama pengajian di sini saya menerima pinjaman daripada Perbadanan Tabung Pendidikan Tinggi Nasional (PTPTN) dan mencuba nasib memohon biasiswa Yayasan LTAT selepas mengetahui iklan daripada pengurusan UIAM," ujar anak ketujuh daripada lapan beradik itu.

Rifhan berkata, dia berhasrat untuk melibatkan diri dalam dunia perniagaan selepas tamat pengajian tahun depan dan akan membuka peluang pekerjaan kepada anak-anak tentera yang tidak mempunyai pekerjaan tetap sebagai cara membalas budi kepada Yayasan LTAT yang menanggung pengajian sepanjang empat tahun di UIAM.



BANGUNAN Asrama sumbangan oleh LTAT di UIAM Gombak.

TANGGUNGJAWAB SOSIAL KORPORAT (CSR) KUMPULAN LTAT

DI CELAH-CELAH KEHIDUPAN BHPETROL

BHPetrol dengan kerjasama RTM dan Affin Bank membantu kepada yang memerlukan



Rahim Mahmood, 52

- Bekas tentera tidak berpacen
- Berkhidmat 13 tahun di TLDM
- Kedua-dua kaki dipotong kerana masalah kesihatan
- Pendapatan dari upah menjahit oleh anak dan menantu sebagai pengawal keselamatan
- Tinggal di Kampung Batu 2, Selama, Perak

BANTUAN BANJIR AFFINBANK 2017



- Pada 10 November 2017, AFFINBANK mengadakan majlis penyerahan sumbangan kepada mangsa banjir di Kampung Sungai Dua, Seberang Prai, Pulau Pinang semasa Pulau Pinang menghadapi krisis banjir yang paling teruk.
- AFFINBANK telah mengagihkan peralatan pembersihan dan makanan asasi bernilai RM150 kepada 120 keluarga dan jumlah keseluruhan bernilai RM18,000.

SKUAD OPERASI SIHAT NEGARAKU TN50

anjuran bersama anak syarikat Boustead Holdings Berhad (Pharmaniaga Bhd & Boustead Petroleum Marketing Sdn. Bhd.)



- Pemeriksaan kesihatan percuma di stesen BHPetrol terpilih pada setiap bulan
- Pemeriksaan Indeks Jisim Badan, Tekanan Darah dan Kadar Gula dalam Darah
- Program bertujuan memberi kesedaran kepada rakyat mengenai penjagaan kesihatan diri

BANTUAN PENDIDIKAN BOUSTEAD PLANTATIONS BERHAD



- Sumbangan RM120,000 untuk program Back to School 2017
- Program diterajui Barisan Nasional Backbenchers (BNBBC)
- Sumbangan untuk Parlimen Kanowit, Baram (Sarawak) dan Parlimen Beluran (Sabah)
- 600 murid terima bantuan RM200 setiap orang

BANTUAN BANJIR PHARMANIAGA 2017



SUMBANGAN: Barangan perubatan dan vitamin, pengangkutan, peralatan membersihkan kesan banjir dan menubuhkan pusat bantuan

KAWASAN: Sungai Dua, Kampung Dodol, Georgetown, Seberang Perai Utara, Seberang Perai Tengah, Lubuk Meriam, Tasik Gelugor, Kampung Tok Sani Butterworth, Kampung Nyioq Sebatang, Kampung Air Hitam dan Kubang Pasu, Kedah



PERKASA PERWIRA



PERNAMA turut memperkenalkan kad E-Dagang untuk kesetiaan pelanggan iaitu kad Care For Partner Satisfaction (Capasa) yang dilancarkan oleh Menteri Pertahanan, Datuk Seri Hishammuddin Tun Hussein pada 19 Disember lepas.



Transformasi PERNAMA disambut baik warga ATM

Oleh MUHAMAD IZZAT NASURUDEN

PERWIRA Niaga Malaysia (PERNAMA), perbadanan milik LTAT, melalui kempen penjualan produk harga 'PRIHATIN' menawarkan barangan asas keperluan rumah yang dijual di bawah harga pasaran kepada warga Angkatan Tentera Malaysia (ATM) dan veteran ATM. Inisiatif ini bertujuan membantu warga ATM dan veteran menangani cabaran kenaikan harga barang dan kos sara hidup.

Selain daripada itu, PERNAMA turut memperkenalkan produk cakra. Menerusi inisiatif tersebut, PERNAMA melaksanakan penurunan harga produk keperluan harian sebanyak 17 kategori sehingga 45% peratus merangkumi 133 barangan bermula 1 Disember tahun lepas.

Inisiatif lain yang diperkenalkan PERNAMA ialah menjual pakaian persekolahan berjenama PERNAMA untuk semua kategori dengan harga RM68 sepasang berbanding harga RM100 di pasaran biasa.

Sempena musim persekolahan tahun ini, PERNAMA juga menawarkan tawaran istimewa iaitu 'Beli sepasang, percuma sepasang' baju sekolah buat warga ATM yang mempunyai anak-anak yang masih bersekolah.

Langkah itu adalah satu daripada sembilan inisiatif Pelan Transformasi PERNAMA (PTP27) yang bertujuan membawa perubahan secara menyeluruh dan inklusif bagi membawa PERNAMA dan warga ATM ke tahap yang lebih tinggi dari pencapaian cemerlang sebelum ini.

Selain itu, PERNAMA turut memperkenalkan kad E-Dagang untuk kesetiaan pelanggan iaitu kad Care For Partner Satisfaction (Capasa) yang dilancarkan oleh Menteri Pertahanan, Datuk Seri Hishammuddin Tun Hussein pada 19 Disember lepas.

Kad tersebut adalah eksklusif untuk warga ATM dan mempunyai kelebihan tersendiri seperti pembelian dihujung jari pada harga yang berpatutan, kemudahan eWallet



MOHD. NASOHA MOHAMED AZIZ



MUHAMMAD FARHAN AHMAD

dahan eWallet, jana pendapatan secara mudah serta ganjaran berbentuk tunai dan hadiah.

Menurut seorang daripada warga ATM, **Koperal Udara Mohd. Nasoha Mohamed Aziz**, inisiatif yang dilakukan kerajaan untuk membantu perajurit negara memberi kelegaan kepada mereka selain membantu meringankan beban ekonomi masing-masing.

Katanya, harga barangan yang dijual di PERNAMA juga lebih murah berbanding dengan harga barangan di pasaran.

"Saya selalu membeli susu anak dan barangan keperluan asas di

PERNAMA kerana harganya jauh lebih murah berbanding dengan harga di pasar raya besar.

"PERNAMA juga turut menyediakan kemudahan untuk memperbaharui lesen kenderaan dan cukai jalan buat warga ATM dan ia banyak membantu kami semua dari segi masa untuk melakukan urusan tersebut," katanya.

Sementara itu, **Laskar Udara Kanan, Muhammad Farhan Ahmad** berkata, kepelbagaian produk yang dijual di PERNAMA memudahkan warga ATM untuk membeli barangan keperluan tanpa perlu pergi ke pasar besar yang terletak jauh dari kawasan kediaman mereka.

Katanya, selain barangan dapur, PERNAMA juga mempunyai pelbagai barangan elektronik seperti telefon pintar dan komputer riba untuk warga veteran ATM.

"Saya berharap transformasi PERNAMA ini mampu memberi manfaat kepada warga ATM dan juga veteran ATM," katanya.

info



PELAN TRANSFORMASI PERWIRA NIAGA MALAYSIA (PERNAMA)

PELAN TRANSFORMASI 2017 - 2027

» Pelan Transformasi PERNAMA (PTP27) bermaksud perubahan secara menyeluruh dan inklusif bagi membawa PERNAMA dan warga ATM serta veteran ke tahap yang lebih tinggi dengan ketumpukan kepada kesejahteraan warga ATM, keluarga serta veteran ATM.

» Dilancarkan oleh Menteri Pertahanan, Datuk Seri Hishammuddin Tun Hussein di Pangkalan TLDM Lumut pada 19 Disember 2017.

TIGA TERAS UTAMA

- Bantu warga dan veteran ATM menangani cabaran kos sara hidup.
- Kembalikan semula imej PERNAMA yang boleh dibanggakan.
- Tingkatkan sistem pengurusan dan perkhidmatan peruncitan melalui teknologi E-Dagang.



OBJEKTIF

- Jadi pilihan utama peruncitan barangan keperluan harian warga dan veteran ATM.
- Kurangkan bebanan pengurusan kewangan warga dan veteran ATM, tingkat kualiti kehidupan mereka.
- Membolehkan pelanggan berbelanja melalui atas talian serta mengembangkan pasaran PERNAMA.
- Mendokong Hala Tuju KEMENTAH di bawah inisiatif Teras Kebijakan Kementerian Pertahanan.

INISIATIF PERNAMA

(Dilaksanakan dalam tempoh 10 tahun)

- » Turunkan harga produk keperluan harian sebanyak 17 kategori sehingga 45 peratus berbanding harga pasaran. Merangkumi 133 barangan. Produk dinamakan PRODUK HARGA CAKNA, dilaksanakan mulai 1 Disember 2017.
- » Tawar pakaian persekolahan jenama PERNAMA dengan penurunan harga 45 peratus.
- » Tambah kategori barangan HARGA PRIHATIN daripada 26 kategori (202 barangan) kepada 50 kategori (500 barangan).
- » Menawarkan barangan segar seperti sayur, ikan, daging dan buah-buahan pada harga berpatutan.
- » Mengembangkan rangkaian barangan berjenama PERNAMA.
- » Membina E-Market Place bagi menggalakkan belian atas talian.
- » Naik taraf premis-premis perniagaan PERNAMA. Kira-kira 70 peratus telah dinaik taraf dan selebihnya dalam proses naik taraf.
- » Jalin pakatan strategik dengan pengeluar jenama-jenama antarabangsa seperti Adidas, Nike dan lain-lain.
- » Tingkat pengiklanan tentang perkhidmatan PERNAMA melalui media sosial seperti facebook dan lain-lain.

PROSPEK MASA DEPAN


- » Untuk terus memberi perkhidmatan bermutu dan cemerlang kepada anggota ATM dan veteran serta keluarga.
- » Perbelanjaan peruntukan modal bagi meningkatkan prasarana.
- » Membekal lebih banyak barangan dan perkhidmatan pada harga berpatutan.
- » Mengekal pertautan akrab antara anggota tentera veteran dan PERNAMA.

KOMITMEN

- » Terus komited beri khidmat terbaik dan cemerlang kepada seluruh warga ATM dan veteran ATM. Kepelbagaian dan pilihan barangan pada harga yang rendah dan berpatutan.
- » Sediakan prasarana dan perkhidmatan seperti anjung selera, kedai keluarga dan kedai khidmat (salon rambut, kedai jahit dan lain-lain).

E-DAGANG PERNAMA

- » PERNAMA memperkenalkan kad kesetiaan pelanggan atau lebih dikenali sebagai kad Care For Partner Satisfaction atau ringkasnya CAPASA yang telah dilancarkan pada 19 Disember 2017.



- Pembelian dihujung jari pada harga yang **BERPATUTAN**
- Kemudahan **eWallet**

- **Jana pendapatan** secara mudah dan ringkas
- Ganjaran berbentuk **CASH** dan **HADIAH**

- **Ahli kad CAPASA juga turut:**
- Menikmati **towing PERCUMA**
- Bantuan kecemasan & kemalangan 24 JAM
- Menyediakan perkhidmatan dan cukai jalan
- Servis di 152 panel bengkel yang bertauliah

*Tertakluk pada terma & syarat

Untuk maklumat lanjut, sila layari www.capasa.com.my

Kompleks Wisma Bintara baharu kebanggaan warga ATM



LTAT dan syarikat kumpulan melalui Perbadanan Perwira Harta (PPHM), sedang melaksanakan projek pembangunan Kompleks Wisma Bintara. Kompleks Wisma Bintara di Jalan Padang Tembak ini mampu meningkatkan semangat dan motivasi kepada anggota tentera dalam menjaga kedaulatan negara.

Bagi **Staf Sarjan Mokhtar Kipli** berkata, dia sangat gembira dan bersyukur dengan pembinaan kompleks tersebut yang memberi pelbagai kemudahan serta keselesaan kepada anggota dengan kedudukannya yang terletak di dalam kawasan bandar.

Selain itu katanya, pembinaan kompleks itu juga dapat membantu anggota tentera dalam peningkatan kualiti hidup seiring dengan teras kebijakan Kementerian Pertahanan.

"Alhamdulillah saya sangat gembira kerana disediakan penginapan terbaik dengan kemudahan lengkap.

"Ini menunjukkan bahawa kerajaan tidak memandang mudah dalam menjaga kebajikan anggota Angkatan Tentera Malaysia (ATM)," katanya ketika ditemui pemberita baru-baru ini.

Pembinaan kompleks itu merupakan inisiatif Kementerian Pertahanan melalui Lembaga Tabung Angkatan Tentera (LTAT) dan Perwira Niaga Malaysia (PERNAMA) bernilai RM30 juta dilengkapi 200 unit bilik serta 115 tempat letak kereta berbumbung dijangka siap tahun 2019.



KOMPLEKS Wisma Bintara yang sedang dibina oleh Kumpulan LTAT.

Dalam pada itu, **Sarjan Nor Zurah Zainal** berkata, dia berbangga dengan usaha kerajaan yang menitik berat pengorbanan anggota tentera dalam mempertahankan negara.

Tambah Nor Zurah, kedudukan kompleks tersebut yang terletak berdekatan dengan tempat kerja memberi kelebihan kepada anggota terutama daripada segi masa dan penjimatan kos.

Turut berkongsi kegembiraan **Bintara Kanan Amran Md. Diris** yang menyifatkan pembinaan kompleks tersebut memberi 'kelegaan' kepada anggota yang perlu berjauhan dengan keluarga.

"Sekurang-kurangnya moral mereka terutamanya yang berjauhan dengan keluarga secara tidak langsung meningkat dan dapat memberi fokus sepenuhnya kepada tanggungjawab masing-masing," ujarnya.

Tiga lagi projek perumahan Taman LTAT baharu dijangka akan siap pada tahun hadapan berjumlah 2,988 unit kesemuanya dan dijual dengan harga di antara RM199,750 hingga RM293,000.

Dalam pada itu, seorang lagi penduduk, **Mohamad Sarif Om**, 49, berkata, beliau amat berterima kasih di atas harga RM42,000 untuk seunit yang ditawarkan LTAT bagi projek Parsel 1A dan 1B.



MOKHTAR KIPLI



NOR ZURAH ZAINAL



AMRAN MD. DIRIS

Taman LTAT ada kelainan tersendiri

KEWUJUDAN perumahan mampu milik atas inisiatif Lembaga Tabung Angkatan Tentera (LTAT) jelas mencerminkan peranan institusi itu dalam membela nasib warga dan veteran Angkatan Tentera Malaysia (ATM).

Taman LTAT yang terletak di Bukit Jalil, Kuala Lumpur menjanjikan keharmonian hidup bermasyarakat walaupun ia terletak di ibu kota.

Bagi **Mohd. Nor Hassan**, 60, suasana kejiranan yang akrab jelas terasa hasil daripada nilai-nilai ketenteraan yang diterapkan di kawasan berkenaan.

Beliau yang bersama dengan

kan adalah untuk keharmonian bersama," katanya ketika ditemui *Utusan Malaysia* baru-baru ini.

Tiga lagi projek perumahan Taman LTAT baharu dijangka akan siap pada tahun hadapan berjumlah 2,988 unit kesemuanya dan dijual dengan harga di antara RM199,750 hingga RM293,000.

Dalam pada itu, seorang lagi penduduk, **Mohamad Sarif Om**, 49, berkata, beliau amat berterima kasih di atas harga RM42,000 untuk seunit yang ditawarkan LTAT bagi projek Parsel 1A dan 1B.

an dengan keluarga secara tidak langsung meningkat dan dapat memberi fokus sepenuhnya kepada tanggungjawab masing-masing," ujarnya.

Tiga lagi projek perumahan Taman LTAT baharu dijangka akan siap pada tahun hadapan berjumlah 2,988 unit kesemuanya dan dijual dengan harga di antara RM199,750 hingga RM293,000.

Dalam pada itu, seorang lagi penduduk, **Mohamad Sarif Om**, 49, berkata, beliau amat berterima kasih di atas harga RM42,000 untuk seunit yang ditawarkan LTAT bagi projek Parsel 1A dan 1B.



PROJEK RUMAH IDAMAN

- MELALUI Perbadanan Perwira Harta Malaysia (PPHM) sebuah perbadanan milik sepenuhnya, satu kerjasama sedang dijalankan LTAT bersama Perumahan Penjawat Awam Malaysia (PPAIM), untuk membina 2,000 unit rumah di Taman LTAT, Bukit Jalil, Kuala Lumpur dan 304 unit rumah di Bandar Segari, Perak khusus untuk ditawarkan kepada warga ATM dan veteran ATM yang layak.
- Inisiatif ini adalah cara berkesan dalam membolehkan pencarum mempunyai kediaman yang selesa pada harga mampu milik.
- Bagi tahun 2017, RM20.1 juta telah dibayar kepada 2,401 pencarum yang layak membeli rumah kediaman pertama atau sebidang tanah di bawah Skim Pengeluaran Perumahan LTAT.

Sebarang pertanyaan sila hubungi: Perbadanan Perwira Harta Malaysia (PPHM) Tingkat 9, Bangunan LTAT, Jalan Bukit Bintang, 55100 Kuala Lumpur. No.Telefon : **03-2142 6122** Website : www.pphm.com.my